

ATODLEN 2

Rheoliadau 10, 11, 13 a 23

Gofynion ardystio

CYNNWYS

RHAN 1

Betys

1. Cwmpas Rhan 1
2. Dehongli
3. Mathau a ganiateir o hadau betys
4. Ystyr “hadau cyn-sylfaenol”
5. Ystyr “hadau sylfaenol”
6. Ystyr “hadau ardystiedig”
7. Gofynion cnydau a hadau

RHAN 2

Ydau

PENNOD 1

Mathau o hadau

8. Cwmpas Rhan 2
9. Mathau a ganiateir o hadau yd
10. Ystyr “hadau cyn-sylfaenol” (gan gynnwys hybridiau)
11. Ystyr “hadau sylfaenol”
12. Ystyr “hadau ardystiedig”
13. Ystyr “hadau ardystiedig, cenhedlaeth gyntaf”
14. Ystyr “hadau ardystiedig, ail genhedlaeth”
15. Gofynion cnydau a hadau

PENNOD 2

Safonau gwirfoddol uwch

16. Safonau gwirfoddol uwch ar gyfer ydau
17. Gofynion ychwanegol ar gyfer haid, gwenith, gwenith caled a gwenith yr Almaen
18. Hadau o blanhigion eraill
19. Mallryg a sglerotia

Statws This is the original version (as it was originally made).

RHAN 3

Planhigion porthiant

PENNOD 1

Safonau sylfaenol

20. Cwmpas Rhan 3
21. Mathau a ganiateir o hadau porthiant
22. Ystyr “hadau cyn-sylfaenol”
23. Ystyr “hadau sylfaenol”
24. Ystyr “hadau ardystiedig”
25. Ystyr “hadau ardystiedig, cenhedlaeth gyntaf”
26. Ystyr “hadau ardystiedig, ail genhedlaeth”
27. Ystyr “hadau masnachol”
28. Gofynion cnydau a hadau

PENNOD 2

Safonau gwirfoddol uwch

29. Safonau gwirfoddol uwch ar gyfer hadau porthiant
30. Safonau gofynnol o ran purdeb a rhywogaethau eraill o hadau yn y sampl

RHAN 4

Olew a ffibr

31. Cwmpas Rhan 4
32. Mathau a ganiateir o hadau olew a ffibr
33. Ystyr “hadau cyn-sylfaenol”
34. Ystyr “hadau sylfaenol” ar gyfer amrywogaethau nad ydynt yn hybridiau
35. Ystyr “hadau sylfaenol” ar gyfer llinellau mewnfrid
36. Ystyr “hadau sylfaenol” ar gyfer hybridiau syml
37. Ystyr “hadau ardystiedig”
38. Ystyr “hadau ardystiedig, cenhedlaeth gyntaf”
39. Ystyr “hadau ardystiedig, ail genhedlaeth”
40. Ystyr “hadau ardystiedig, trydedd genhedlaeth”
41. Ystyr “hadau masnachol”
42. Gofynion cnydau a hadau
43. Gofynion ar gyfer uniad amrywogaethol

RHAN 5

Llysiau

44. Cwmpas Rhan 5
45. Mathau a ganiateir o hadau llysiau
46. Ystyr “hadau cyn-sylfaenol”
47. Ystyr “hadau sylfaenol”
48. Ystyr “hadau ardystiedig”
49. Ystyr “hadau safonol”

50. Gofynion cnydau a hadau
Llofnod
Nodyn Esboniadol

RHAN 1

Betys

Cwmpas Rhan 1

1. Mae'r Rhan hon yn rheoleiddio'r math o fetys yn Atodlen 1.

Dehongli

2. Yn y Rheoliadau hyn—
- (a) ystyr “hadau uneginol” (“*monogerm seed*”) yw hadau sy'n uneginol yn enetig; a
 - (b) “hadau trachywir” (“*precision seed*”) yw hadau a baratowyd i'w defnyddio mewn heuwr trachywir i gynhyrchu eginblanhigion sengl.

Mathau a ganiateir o hadau betys

3. Rhaid i hadau betys fod yn—
- (a) hadau cyn-sylfaenol;
 - (b) hadau sylfaenol; neu
 - (c) hadau ardystiedig.

Ystyr “hadau cyn-sylfaenol”

4. Hadau cyn-sylfaenol yw hadau—
- (a) a gynhyrchwyd o genhedlaeth gynharach na hadau cyn-sylfaenol gan, neu o dan gyfrifoldeb, y bridwr, yn unol ag arferion a ddiffiniwyd yn eglur ar gyfer cynnal yr amrywogaeth; a
 - (b) a fwriedir ar gyfer cynhyrchu—
 - (i) rhagor o hadau cyn-sylfaenol;
 - (ii) hadau sylfaenol; neu
 - (iii) gydag awdurdod ysgrifenedig y bridwr, hadau ardystiedig.

Ystyr “hadau sylfaenol”

5. Hadau sylfaenol yw hadau—
- (a) a gynhyrchwyd o dan gyfrifoldeb y bridwr yn unol ag arferion a ddiffiniwyd yn eglur ar gyfer cynnal yr amrywogaeth; a
 - (b) a fwriedir ar gyfer cynhyrchu hadau ardystiedig.

Ystyr “hadau ardystiedig”

6. Hadau ardystiedig yw hadau sy'n ddisgynyddion uniongyrchol hadau sylfaenol ac a fwriedir ar gyfer cynhyrchu betys.

Gofynion cnydau a hadau

7.—(1) Rhaid i archwiliadau o'r cnydau gan arolygwyr cnydau swyddogol neu drwyddedig gael eu cynnal yn unol ag Erthygl 2(3)(A) o Gyfarwyddeb y Cyngor 2002/54/EC ar farchnata hadau betys(1) ac Atodiad I(A) i'r Gyfarwyddeb honno, a rhaid i'r cnwd fodloni'r amodau yn yr Atodiad hwnnw.

(2) Rhaid i'r hadau a gynhyrchir gan y cnwd gael eu samplu yn unol ag Erthygl 9(2) o'r Gyfarwyddeb honno ac Atodiad II iddi, a rhaid iddynt fodloni'r amodau yn Atodiad I(B) i'r Gyfarwyddeb honno.

(3) Rhaid i'r hadau gael eu labelu yn unol ag Atodiad III i'r Gyfarwyddeb honno.

(4) Rhaid i'r cynnwys lleithedd mwyaf beidio â bod yn fwy na 15% yn ôl pwysau.

(5) Rhaid i glefydau ac organebau niweidiol sy'n lleihau defnyddioldeb yr hadau fod ar y lefel isaf bosibl.

RHAN 2

Ydau

PENNOD 1

Mathau o hadau

Cwmpas Rhan 2

8. Mae'r Rhan hon yn rheoleiddio'r mathau o ydau yn Atodlen 1.

Mathau a ganiateir o hadau ŷd

9.—(1) Rhaid i hadau ŷd fod yn—

- (a) hadau cyn-sylfaenol;
- (b) hadau sylfaenol;
- (c) hadau ardystiedig;
- (ch) hadau ardystiedig, cenhedlaeth gyntaf;
- (d) hadau ardystiedig, ail genhedlaeth; neu
- (dd) hadau o safon wirfoddol uwch.

(2) Caiff yr hadau fod yn gymysgedd o rywogaethau ŷd o wahanol amrywogaethau ar yr amod bod pob amrywogaeth yn y cymysgedd wedi ei hardystio ac yn effeithiol rhag lledaenu organebau niweidiol.

Ystyr “hadau cyn-sylfaenol” (gan gynnwys hybridiau)

10. Hadau cyn-sylfaenol (gan gynnwys hybridiau) yw hadau—

- (a) a gynhyrchwyd o genhedlaeth gynharach na hadau cyn-sylfaenol neu o hadau cyn-sylfaenol gan, neu o dan gyfrifoldeb, y bridiwr yn unol ag arferion a ddiffiniwyd yn eglur ar gyfer cynnal yr amrywogaeth; a
- (b) a fwriedir ar gyfer cynhyrchu—

(1) OJ Rhif L 193, 20.7.2002, t. 12, fel y'i diwygiwyd ddiwethaf gan Gyfarwyddeb y Cyngor 2004/117/EC (OJ Rhif L 14, 18.1.2005, t.18).

- (i) rhagor o hadau cyn-sylfaenol;
- (ii) hadau sylfaenol; neu
- (iii) gydag awdurdod ysgrifenedig y bridiwr, hadau ardystiedig o'r categorïau CS, C1 neu C2 (ni chaniateir cynhyrchu amrywogaethau hybrid i C1 neu C2).

Ystyr “hadau sylfaenol”

11. Hadau sylfaenol yw hadau sy'n cydymffurfio â'r amodau canlynol.

<i>Math o yd</i>	<i>Amod</i>
Amrywogaethau hunanbeilliol o geirch, ceirch noeth, haidd, rhyg, rhygwenith, gwenith, gwenith caled a gwenith yr Almaen	Rhaid i'r hadau fod— (a) wedi eu cynhyrchu o dan gyfrifoldeb y bridiwr yn unol ag arferion a ddiffiniwyd yn eglur ar gyfer cynnal yr amrywogaeth; a (b) wedi eu bwriadu ar gyfer cynhyrchu hadau ardystiedig o'r categorïau CS, C1 neu C2
Amrywogaethau hybrid o geirch, haidd, rhyg, gwenith, gwenith caled, gwenith yr Almaen, rhygwenith ac indrawn	Rhaid i'r hadau fod wedi eu bwriadu ar gyfer cynhyrchu hybridiau
Amrywogaethau o rywogaethau indrawn sy'n beillwyr agored	Rhaid i'r hadau fod— (a) wedi eu cynhyrchu o dan gyfrifoldeb y bridiwr, yn unol ag arferion a ddiffiniwyd yn eglur ar gyfer cynnal yr amrywogaeth; (b) wedi eu bwriadu ar gyfer cynhyrchu hadau o'r amrywogaeth honno o'r categori 'hadau ardystiedig' croesiad triphlyg, neu o amrywogaeth hybrid “top cross”, neu o hybridiau rhyngamrywogaethol
Indrawn, llinellau mewnfrid	Unrhyw hadau

Ystyr “hadau ardystiedig”

12. Hadau ardystiedig yw hadau—

- (a) o ryg, indrawn neu rygwenith a hybridiau o haidd, ceirch, gwenith, gwenith caled, gwenith yr Almaen;
- (b) sydd wedi eu cynhyrchu'n uniongyrchol o hadau sylfaenol neu, os gofynnir felly gan y bridiwr, o hadau o genhedlaeth gynharach na hadau sylfaenol sy'n bodloni'r amodau ar gyfer hadau sylfaenol; ac
- (c) a fwriedir at ddibenion ac eithrio cynhyrchu hadau yd.

Ystyr “hadau ardystiedig, cenhedlaeth gyntaf”

13. Hadau ardystiedig, cenhedlaeth gyntaf yw hadau—

- (a) ceirch, haidd, rhygwenith, gwenith, gwenith caled, neu wenith yr Almaen, ac eithrio hybridiau ym mhob achos;

- (b) sydd wedi eu cynhyrchu'n uniongyrchol o hadau sylfaenol neu, os gofynnir felly gan y bridiwr, o hadau cyn-sylfaenol sy'n bodloni'r amodau ar gyfer hadau sylfaenol; ac
- (c) a fwriedir naill ai ar gyfer cynhyrchu hadau o'r categori 'hadau ardystiedig, ail genhedlaeth' neu at ddibenion ac eithrio cynhyrchu hadau ŷd.

Ystyr “hadau ardystiedig, ail genhedlaeth”

14. Hadau ardystiedig, ail genhedlaeth yw hadau—

- (a) ceirch, haidd, rhygwenith, gwenith, gwenith caled, neu wenith yr Almaen, ac eithrio hybridiau ym mhob achos;
- (b) sydd wedi eu cynhyrchu'n uniongyrchol o hadau sylfaenol, o hadau ardystiedig, cenhedlaeth gyntaf, neu, os gofynnir felly gan y bridiwr, o hadau cyn-sylfaenol sy'n bodloni'r amodau ar gyfer hadau sylfaenol; ac
- (c) a fwriedir at ddibenion ac eithrio cynhyrchu hadau ŷd.

Gofynion cnydau a hadau

15.—(1) Rhaid i archwiliadau o'r cnydau gan arolygwyr cnydau swyddogol neu drwyddedig gael eu cynnal yn unol ag Erthygl 2(3)(A) o Gyfarwyddeb y Cyngor 66/402/EEC ar farchnata hadau ŷd(2) ac Atodiad I i'r Gyfarwyddeb honno, a rhaid i'r cnwd fodloni'r amodau yn yr Atodiad hwnnw.

(2) Rhaid i'r hadau a gynhyrchir gan y cnwd gael eu samplu yn unol ag Erthygl 7 o'r Gyfarwyddeb honno ac Atodiad III iddi, a rhaid iddynt fodloni'r amodau yn Atodiad II i'r Gyfarwyddeb honno.

(3) Rhaid i'r cynnwys lleithedd mwyaf beidio â bod yn fwy na 17% yn ôl pwysau.

(4) Rhaid i glefydau ac organebau niweidiol sy'n lleihau defnyddioldeb yr hadau fod ar y lefel isaf bosibl.

PENNOD 2

Safonau gwirfoddol uwch

Safonau gwirfoddol uwch ar gyfer ydau

16.—(1) Ceir marchnata haidd, ceirch, gwenith (gan gynnwys gwenith caled a gwenith yr Almaen) neu geirch noeth, a ddosbarthwyd yn hadau sylfaenol neu'n hadau ardystiedig o'r categorïau C1 neu C2, fel hadau o safon wirfoddol uwch, sef safon uwch na'r un a reoleiddir o dan Bennod 1, os ydynt yn bodloni'r safonau uwch yn y Bennod hon.

(2) Rhaid i burdeb rhywogaethol y cnwd fod yn 99.99% o leiaf (yn ôl nifer).

(3) Ac eithrio hybrid, y purdeb amrywogaethol lleiaf ar gyfer hadau yw—

- (a) 99.95% ar gyfer hadau sylfaenol;
- (b) 99.9% ar gyfer hadau C1;
- (c) 99.7% ar gyfer hadau C2.

(4) Yn achos C1 ac C2 rhaid i burdeb dadansoddol yr hadau fod yn 99% yn ôl pwysau.

Gofynion ychwanegol ar gyfer haidd, gwenith, gwenith caled a gwenith yr Almaen

17. Yn achos haidd, gwenith, gwenith caled a gwenith yr Almaen—

- (a) y nifer mwyaf o geirch gwyllt mewn cnwd fydd 7 am bob hectar.

(2) OJ Rhif L 125, 11.7.1966, t. 2309, fel y'i diwygiwyd ddiwethaf gan Gyfarwyddeb y Comisiwn 2009/74/EC (OJ Rhif L 166, 27.6.2009, t. 40).

(b) y ganran fwyaf yn ôl nifer o'r heintiad penddu mewn hadau fydd—

(i) 0.1% ar gyfer hadau sylfaenol;

(ii) 0.2% ar gyfer hadau C1 ac C2.

Hadau o blanhigion eraill

18. Rhaid i'r nifer o hadau o rywogaethau planhigion eraill mewn sampl o 1000g beidio â bod yn fwy na'r canlynol.

Hadau o rywogaethau eraill

<i>Categori o hadau a samplwyd</i>	<i>Pob rhywogaeth arall o blanhigion (gan gynnwys rhywogaethau a bennir yng ngholofnau 3 i 6)</i>	<i>Rhywogaethau yd eraill</i>	<i>Pob rhywogaeth o blanhigion ac eithrio ydau</i>	<i>Ceirch gwyllt neu efrau</i>	<i>Rhuddygl gwyllt, bulwg yr yd, pawrwellt anhiliog neu farchwellt</i>
Hadau sylfaenol	1	0	1	0	0
C1	2	1	1	0	1
C2	4	3	2	0	1

a Mewn perthynas â rhuddygl gwyllt a bulwg yr yd yn unig.

Mallryg a sglerotia

19. Mewn sampl o 1000g—

(a) yn achos hadau sylfaenol, rhaid bod dim mallryg na sglerotia;

(b) yn achos hadau ardystiedig (C1 neu C2) rhaid bod dim mwy nag un darn o fallryg neu sglerotia.

RHAN 3

Planhigion porthiant

PENNOD 1

Safonau sylfaenol

Cwmpas Rhan 3

20. Mae'r Rhan hon yn rheoleiddio'r mathau o blanhigion porthiant yn Atodlen 1.

Mathau a ganiateir o hadau porthiant

21.—(1) Rhaid i hadau porthiant fod yn—

- (a) hadau cyn-sylfaenol;
- (b) hadau sylfaenol;
- (c) hadau ardystiedig;
- (ch) hadau ardystiedig, cenhedlaeth gyntaf;
- (d) hadau ardystiedig, ail genhedlaeth;
- (dd) hadau masnachol; neu
- (e) hadau o safon wirfoddol uwch.

(2) Caiff yr hadau fod yn gymysgedd o rywogaethau porthiant o wahanol amrywogaethau ar yr amod bod pob amrywogaeth yn y cymysgedd wedi ei hardystio.

Ystyr “hadau cyn-sylfaenol”

22. Hadau cyn-sylfaenol yw hadau—

- (a) a gynhyrchwyd o genhedlaeth gynharach na hadau cyn-sylfaenol gan, neu o dan gyfrifoldeb, y bridwr yn unol ag arferion a ddiffiniwyd yn eglur ar gyfer cynnal yr amrywogaeth; a
- (b) a fwriedir ar gyfer cynhyrchu—
 - (i) rhagor o hadau cyn-sylfaenol;
 - (ii) hadau sylfaenol; neu
 - (iii) gydag awdurdod ysgrifenedig y bridwr, hadau ardystiedig CS, C1 neu C2.

Ystyr “hadau sylfaenol”

23.—(1) Hadau sylfaenol yw hadau—

- (a) amrywogaethau a fridiwyd; neu
 - (b) amrywogaethau lleol.
- (2) Hadau amrywogaethau a fridiwyd yw hadau—
- (a) a gynhyrchwyd o dan gyfrifoldeb y bridwr yn unol ag arferion a ddiffiniwyd yn eglur ar gyfer cynnal yr amrywogaeth;
 - (b) a fwriedir ar gyfer cynhyrchu hadau ardystiedig.
- (3) Hadau amrywogaethau lleol yw hadau—

- (a) a gynhyrchwyd o dan reolaeth swyddogol, allan o ddeunydd y derbyniwyd ei fod o'r amrywogaeth leol, ar un neu ragor o ddaliadau o fewn rhanbarth tarddiad y diffiniwyd ei derfynau yn eglur;
- (b) a fwriedir ar gyfer cynhyrchu hadau ardystiedig.

Ystyr “hadau ardystiedig”

24. Hadau ardystiedig yw hadau (ac eithrio ffa'r maes, pys y maes, maglys rhuddlas (*Medicago sativa*), bysedd-y-blaidd a ffabys)—

- (a) sydd wedi eu cynhyrchu yn uniongyrchol o hadau sylfaenol neu, os gofynnir felly gan y bridiwr, o hadau cyn-sylfaenol sy'n bodloni'r amodau ar gyfer hadau sylfaenol; a
- (b) a fwriedir at ddibenion ac eithrio cynhyrchu hadau.

Ystyr “hadau ardystiedig, cenhedlaeth gyntaf”

25. Hadau ardystiedig, cenhedlaeth gyntaf mewn perthynas â ffa'r maes, pys y maes, maglys rhuddlas (*Medicago sativa*) bysedd-y-blaidd a ffabys yw hadau—

- (a) sydd wedi eu cynhyrchu'n uniongyrchol o hadau sylfaenol neu, os gofynnir felly gan y bridiwr, o hadau cyn-sylfaenol sy'n bodloni'r amodau ar gyfer hadau sylfaenol; a
- (b) a fwriedir ar gyfer—
 - (i) cynhyrchu hadau ardystiedig, ail genhedlaeth (yn achos ffa'r maes a phys y maes yn unig); neu
 - (ii) dibenion ac eithrio cynhyrchu hadau (ym mhob achos).

Ystyr “hadau ardystiedig, ail genhedlaeth”

26. Hadau ardystiedig, ail genhedlaeth mewn perthynas â ffa'r maes, pys y maes, maglys rhuddlas (*Medicago sativa*) bysedd-y-blaidd a ffabys yw hadau—

- (a) sydd wedi eu cynhyrchu'n uniongyrchol o hadau sylfaenol, o hadau ardystiedig, cenhedlaeth gyntaf (C1), neu, os gofynnir felly gan y bridiwr, o hadau cyn-sylfaenol sy'n bodloni'r amodau ar gyfer hadau sylfaenol; a
- (b) a fwriedir at ddibenion ac eithrio cynhyrchu hadau planhigion porthiant.

Ystyr “hadau masnachol”

27. Hadau masnachol yw hadau gweunwellt unflwydd, ffabys Hwngari neu'r godog, y gellir eu hadnabod fel rhai sy'n perthyn i rywogaeth.

Gofynion cnydau a hadau

28.—(1) Rhaid i archwiliadau o'r cnydau gan arolygwyr cnydau swyddogol neu drwyddedig gael eu cynnal yn unol ag Erthygl 2(3)(A) o Gyfarwyddeb y Cyngor 66/401/EEC ar farchnata hadau planhigion porthiant⁽³⁾ ac Atodiad I i'r Gyfarwyddeb honno, a rhaid i'r cnwd fodloni'r amodau yn yr Atodiad hwnnw.

(2) Rhaid i'r hadau a gynhyrchir gan y cnwd gael eu samplu yn unol ag Atodiad III i'r Gyfarwyddeb honno, a rhaid iddynt fodloni'r amodau yn Atodiad II i'r Gyfarwyddeb honno.

(3) OJ Rhif L 125, 11.7.1966, t. 2298, fel y'i diwygiwyd ddiwethaf gan Gyfarwyddeb y Comisiwn 2009/74/EC (OJ Rhif L 166, 27.6.2009, t. 40).

Statws This is the original version (as it was originally made).

(3) Rhaid i glefydau ac organebau niweidiol sy'n lleihau defnyddioldeb yr hadau fod ar y lefel isaf bosibl.

PENNOD 2

Safonau gwirfoddol uwch

Safonau gwirfoddol uwch ar gyfer hadau porthiant

29. Yn achos troed y ceiliog, festulolium, rhygwelld hybrid, rhygwelld yr Eidal, maglys rhuddlas, peiswelld, rhygwelld parhaol, meillion coch, peiswelld coch, y godog, rhonwelld bach, rhonwelld, gweunwelld llyfn, peiswelld tal a meillion gwyn, ceir marchnata hadau ardystiedig (CS) fel hadau ardystiedig o safon wirfoddol uwch.

Safonau gofynnol o ran purdeb a rhywogaethau eraill o hadau yn y sampl

30. Rhaid i'r sampl a gymerir o dan baragraff 28(2) at ddiben Cyfarwydddeb y Cyngor [66/401/EEC](#) gyrraedd y safonau gofynnol a bennir yn y tabl canlynol.

<i>Pennawd colofn</i>	<i>Purdeb</i>	<i>Cyfanswm pwysau'r holl rywogaethau eraill (% yn ôl pwysau)</i>	<i>Cyfanswm pwysau un unigol arall (% yn ôl pwysau)</i>	<i>Hadau Rumex spp ac acetosella ac R maritimus</i>	<i>Hadau marchwelld</i>	<i>Hadau cynffonwelldar du</i>	<i>Terfynau gyfer rhywogaethau penodol eraill</i>
Glaswelltau meinddail							
festulolium	98	1.5	0	0	10	0	
peiswelld coch	95	1.5	0.5	5	10	10	Ni chaiff y sampl gynnwys mwy na phedwar hedyd o rygwelld, troed y ceiliog, peiswelld a 0.3% gweunwelld garw
gweunwelld llyfn	90	1.5	0.5	2	3	3	Uchafswm o 0.4% yn ôl pwysau o hadau gweunwelldau eraill
Glaswelltau porthiant							
troed y ceiliog	90	1.5	0.5	5	10	10	

<i>Pennawd colofn</i>	<i>Purdeb</i>	<i>Cyfanswm pwysau'r holl rywogaethau eraill (% yn ôl pwysau)</i>	<i>Cyfanswm pwysau un unigol arall (% yn ôl pwysau)</i>	<i>Hadau Rumex spp ac acetosella ac R maritimus</i>	<i>Hadau marchwellt</i>	<i>Hadau cynffonwellt du</i>	<i>Terfynau gyfer rhywogaethau penodol eraill</i>
peiswellt, peiswellt tal	98	1.5	0.5	5	10	10	0.3% gweunwellt garw, 0.3% rhygwellt
rhygwellt hybrid, rhygwellt yr Eidal, rhygwellt parhaol	98	1.5	0.5	5	10	10	0.4% gweunwellt unflwydd, 0.3% gweunwellt garw
rhonwellt bach, rhonwellt	98	1.5	0.5	4	10	10	0.3% <i>Agrostis</i> <i>xmlns="http://www.tso.co.uk/assets/namespace/legislatio"n>spp</i>
Codlysiâu hadau bach>							
maglys rhuddlas, meillion coch, meillion gwyn	98	1.5	0.5	10	10	10	0.3% <i>Melilotus</i> <i>xmlns="http://www.tso.co.uk/assets/namespace/legislatio"n>spp</i>
y godog	98	1.5	0.5	5	10	10	0.3% <i>Melilotus</i> <i>xmlns="http://www.tso.co.uk/assets/namespace/legislatio"n>spp</i>

RHAN 4

Olew a ffibr

Cwmpas Rhan 4

31. Mae'r Rhan hon yn rheoleiddio'r mathau o blanhigion olew a ffibr yn Atodlen 1.

Mathau a ganiateir o hadau olew a ffibr

32. Rhaid i hadau olew a ffibr fod yn—
- (a) hadau cyn-sylfaenol;
 - (b) hadau sylfaenol;
 - (c) hadau ardystiedig;
 - (ch) hadau ardystiedig, cenhedlaeth gyntaf;
 - (d) hadau ardystiedig, ail genhedlaeth;
 - (dd) hadau ardystiedig, trydedd genhedlaeth; neu
 - (e) hadau masnachol.

Ystyr “hadau cyn-sylfaenol”

- 33.—(1) “Hadau cyn-sylfaenol” yw hadau cenhedlaeth gynharach na hadau sylfaenol—
- (a) sydd wedi eu cynhyrchu gan, neu o dan gyfrifoldeb, y bridiwr yn unol ag arferion a ddiffiniwyd yn eglur ar gyfer cynnal yr amrywogaeth, a
 - (b) a fwriedir i'w defnyddio i gynhyrchu mwy o hadau cyn-sylfaenol, hadau sylfaenol, neu, gydag awdurdod ysgrifenedig y bridiwr—
 - (i) yn achos mwstard du, mwstard brown, cywarch deuoecaidd, blodau'r haul, rêp swêds, rêp maip, neu fwstard gwyn, hadau CS;
 - (ii) yn achos cywarch monoecaidd neu ffa soia, hadau C1 neu C2;
 - (iii) yn achos llin neu had llin, hadau C1, C2 neu C3.
- (2) Ond mewn perthynas â chydran mewn amrywogaeth hybrid, ystyr “hadau cyn-sylfaenol” yw hadau o genhedlaeth gynharach na hadau sylfaenol, a fwriedir i'w defnyddio i gynhyrchu—
- (a) rhagor o hadau cyn-sylfaenol;
 - (b) hadau sylfaenol; neu
 - (c) gydag awdurdod ysgrifenedig y bridiwr, hadau CS.

Ystyr “hadau sylfaenol” ar gyfer amrywogaethau nad ydynt yn hybridiau

34. Yn achos amrywogaeth nad yw'n hybrid, hadau sylfaenol yw hadau—
- (a) a gynhyrchwyd o dan gyfrifoldeb y bridiwr yn unol ag arferion a ddiffiniwyd yn eglur ar gyfer cynnal yr amrywogaeth;
 - (b) a fwriedir ar gyfer cynhyrchu—
 - (i) hadau ardystiedig,
 - (ii) hadau ardystiedig, cenhedlaeth gyntaf,
 - (iii) hadau ardystiedig, ail genhedlaeth; neu
 - (iv) hadau ardystiedig, trydedd genhedlaeth.

Ystyr “hadau sylfaenol” ar gyfer llinellau mewnfrid

35. Yn achos llinell fewnfrid, hadau sylfaenol yw hadau llinell fewnfrid o hybrid, sy'n bodloni'r amodau ar gyfer hadau sylfaenol.

Ystyr “hadau sylfaenol” ar gyfer hybridiau syml

36. Yn achos hybrid syml, hadau sylfaenol yw hadau a fwriedir ar gyfer cynhyrchu hybridiau.

Ystyr “hadau ardystiedig”

37. Hadau ardystiedig yw hadau mwstard du, mwstard Tsieina, mwstard gwyn, cywarch deuoceaidd, blodau'r haul, rêp swêds neu rêp maip—

- (a) sydd wedi eu cynhyrchu'n uniongyrchol o hadau sylfaenol neu, os gofynnir felly gan y bridiwr, o genhedlaeth gynharach na hadau sylfaenol, sy'n bodloni'r amodau ar gyfer hadau sylfaenol;
- (b) a fwriedir at ddibenion ac eithrio cynhyrchu hadau planhigion olew neu ffibr.

Ystyr “hadau ardystiedig, cenhedlaeth gyntaf”

38. Hadau ardystiedig, cenhedlaeth gyntaf yw hadau cywarch monoceaidd, llin, had llin neu soia—

- (a) sydd wedi eu cynhyrchu'n uniongyrchol o hadau sylfaenol neu, os gofynnir felly gan y bridiwr, o hadau cyn-sylfaenol sy'n bodloni'r amodau ar gyfer hadau sylfaenol;
- (b) a fwriedir ar gyfer cynhyrchu naill ai—
 - (i) hadau ardystiedig, ail genhedlaeth;
 - (ii) pan fo'n briodol, hadau ardystiedig, trydedd genhedlaeth; neu
 - (iii) at ddibenion ac eithrio cynhyrchu hadau planhigion olew neu ffibr.

Ystyr “hadau ardystiedig, ail genhedlaeth”

39.—(1) Hadau ardystiedig, ail genhedlaeth yw hadau llin, had llin, soia neu gywarch monoceaidd.

(2) Yn achos llin, had llin a soia, maent yn hadau—

- (a) sydd wedi eu cynhyrchu'n uniongyrchol o hadau sylfaenol, o hadau ardystiedig o'r genhedlaeth gyntaf, neu, os gofynnir felly gan y bridiwr, o hadau cyn-sylfaenol sy'n bodloni'r amodau ar gyfer hadau sylfaenol; a
- (b) a fwriedir—
 - (i) at ddibenion ac eithrio cynhyrchu hadau, neu,
 - (ii) pan fo'n briodol, cynhyrchu hadau ardystiedig, trydedd genhedlaeth.

(3) Yn achos cywarch monoceaidd, maent yn hadau—

- (a) sydd wedi eu cynhyrchu'n uniongyrchol o hadau ardystiedig o'r genhedlaeth gyntaf, a sefydlwyd ac a reolwyd yn swyddogol gyda golwg ar gynhyrchu hadau ardystiedig o'r ail genhedlaeth; a
- (b) a fwriedir ar gyfer cynhyrchu cywarch sydd i'w gynaeafu yn ei flodau.

Ystyr “hadau ardystiedig, trydedd genhedlaeth”

40. Hadau ardystiedig, trydedd genhedlaeth yw hadau o lin neu had llin—

- (a) sy'n ddisgynyddion uniongyrchol hadau sylfaenol, hadau ardystiedig o'r genhedlaeth gyntaf neu'r ail neu, os gofynnir felly gan y bridiwr, o hadau o genhedlaeth gynharach na hadau sylfaenol; a
- (b) a fwriedir at ddibenion ac eithrio cynhyrchu hadau.

Ystyr “hadau masnachol”

41. Hadau masnachol (hadau mwstard du yn unig) yw hadau y gellir eu hadnabod fel rhai sy'n perthyn i rywogaeth.

Gofynion cnydau a hadau

42.—(1) Rhaid i archwiliadau o'r cnydau gan arolygwyr cnydau swyddogol neu drwyddedig gael eu cynnal yn unol ag Erthygl 2(5)(A) o Gyfarwyddeb y Cyngor 2002/57/EC ar farchnata hadau planhigion olew a ffibr(4) ac Atodiad I i'r Gyfarwyddeb honno, a rhaid i'r cnwd fodloni'r amodau yn yr Atodiad hwnnw.

(2) Rhaid i'r hadau a gynhyrchir gan y cnwd gael eu samplu yn unol ag Atodiad III i'r Gyfarwyddeb honno, a rhaid iddynt fodloni'r amodau yn Atodiad II i'r Gyfarwyddeb honno.

(3) Rhaid i glefydau ac organebau niweidiol sy'n lleihau defnyddioldeb yr hadau fod ar y lefel isaf bosibl.

Gofynion ar gyfer uniad amrywogaethol

43.—(1) Rhaid i hadau sy'n cael eu marchnata fel uniad amrywogaethol gydymffurfio â'r paragraff hwn.

(2) Rhaid i'r uniad amrywogaethol fod yn uniad rhwng hadau CS ardystiedig amrywogaeth hybrid peillydd-ddibynnol benodedig, a hadau CS ardystiedig un neu ragor o amrywogaethau peillydd penodedig, a rhaid i'r ddau fath o hadau fod wedi eu derbyn ar Restr Genedlaethol y Deyrnas Unedig neu'r Catalog Cyffredin.

(3) Rhaid i hadau'r cydrannau benyw a gwryw mewn uniad amrywogaethol fod wedi eu trin gan ddefnyddio sylweddau trin hadau o liwiau gwahanol.

(4) Rhaid cyfuno'r hadau yn fecanyddol yn y cyfrannau a benderfynwyd ar y cyd gan y personau sy'n gyfrifol am gynnal y cydrannau dan sylw.

(5) Rhaid hysbysu Gweinidogion Cymru o'r cyfrannau hyn, gan y person sy'n gyfrifol am gynnal yr hybrid peillydd-ddibynnol a'r peillyddion sydd o fewn yr uniad amrywogaethol.

(6) Yn y paragraff hwn—

- (a) ystyr “hybrid peillydd-ddibynnol” (“*pollinator-dependent hybrid*”) yw'r gydran wryw-anhiliog o fewn yr uniad amrywogaethol (y gydran fenyw);
- (b) ystyr “peillydd” (“*pollinator*”) yw cydran sy'n gollwng pail o fewn uniad amrywogaethol.

RHAN 5**Llysiau****Cwmpas Rhan 5**

44. Mae'r Rhan hon yn rheoleiddio'r mathau o lysiau yn Atodlen 1.

Mathau a ganiateir o hadau llysiau

45. Rhaid i hadau llysiau fod yn—

- (a) hadau cyn-sylfaenol;

(4) OJ Rhif L 193, 20.7.2002, t.74, fel y'i diwygiwyd ddiwethaf gan Gyfarwyddeb y Comisiwn 2009/74/EC (OJ Rhif L 166, 27.6.2009, t.40).

- (b) hadau sylfaenol; neu
- (c) hadau ardystiedig; neu
- (ch) hadau safonol.

(2) Caiff yr hadau fod yn gymysgedd o wahanol amrywogaethau o'r un rhywogaeth o lysiau, ar yr amod bod pob amrywogaeth yn y cymysgedd yn hadau safonol.

Ystyr “hadau cyn-sylfaenol”

46. Hadau cyn-sylfaenol yw hadau—

- (a) a gynhyrchwyd o genhedlaeth gynharach na hadau cyn-sylfaenol gan, neu o dan gyfrifoldeb, y bridiwr yn unol ag arferion a ddiffiniwyd yn eglur ar gyfer cynnal yr amrywogaeth; a
- (b) a fwriedir ar gyfer cynhyrchu—
 - (i) rhagor o hadau cyn-sylfaenol;
 - (ii) hadau sylfaenol; neu
 - (iii) gydag awdurdod ysgrifenedig y bridiwr, hadau ardystiedig.

Ystyr “hadau sylfaenol”

47.—(1) Hadau sylfaenol yw hadau—

- (a) a gynhyrchwyd o dan gyfrifoldeb y bridiwr yn unol ag arferion a ddiffiniwyd yn eglur ar gyfer cynnal yr amrywogaeth;
- (b) a fwriedir ar gyfer cynhyrchu hadau ardystiedig.

(2) Er mwyn osgoi amheuaeth, mae hyn yn cynnwys hadau y bwriedir iddynt fod yn gydran o amrywogaeth hybrid o lysieuyrn.

Ystyr “hadau ardystiedig”

48. Hadau ardystiedig yw hadau—

- (a) sydd wedi eu cynhyrchu'n uniongyrchol o hadau sylfaenol neu, os gofynnir felly gan y bridiwr, o genhedlaeth gynharach na hadau sylfaenol sy'n bodloni'r amodau ar gyfer hadau sylfaenol;
- (b) a fwriedir yn bennaf ar gyfer cynhyrchu llyisiau.

Ystyr “hadau safonol”

49. Hadau safonol yw hadau a fwriedir yn bennaf ar gyfer cynhyrchu llyisiau, ac sydd wedi eu cymeradwyo gan Weinidogion Cymru fel hadau sydd â phurdeb amrywogaethol a hunaniaeth amrywogaethol digonol.

Gofynion cnydau a hadau

50.—(1) Rhaid i archwiliadau o'r cnydau gan arolygwyr cnydau swyddogol neu drwyddedig gael eu cynnal yn unol ag Erthygl 2(4)(A) o Gyfarwyddeb y Cyngor 2002/55/EC ar farchnata hadau llyisiau⁽⁵⁾ ac Atodiad I i'r Gyfarwyddeb honno, a rhaid i'r cnwd fodloni'r amodau yn yr Atodiad hwnnw.

(5) OJ Rhif L 193, 20.7.2002, t. 33, fel y'i diwygiwyd ddiwethaf gan Gyfarwyddeb y Comisiwn 2009/74/EC (OJ Rhif L 166, 27.6.2009, t. 40).

Statws This is the original version (as it was originally made).

(2) Rhaid i'r hadau a gynhyrchir gan y cnwd gael eu samplu yn unol ag Erthygl 25 o'r Gyfarwyddeb honno ac Atodiad III iddi, a rhaid iddynt fodloni'r amodau yn Atodiad II i'r Gyfarwyddeb honno.

(3) Nid yw is-baragraff (1) yn gymwys yn achos hadau safonol.

(4) Rhaid i glefydau ac organebau niweidiol sy'n lleihau defnyddioldeb yr hadau fod ar y lefel isaf bosibl.

(5) Ar ôl eu marchnata, mae hadau llysiâu yn ddarostyngedig i reolaeth gan Weinidogion Cymru, o ran hunaniaeth amrywogaethol a phurdeb amrywogaethol.